



Na osnovu Zaključka Skupštine Kantona Sarajevo broj 01-05-27771/13 od 13.11.2013. godine, kojim se daje podrška i obaveza Ministarstvu za boračka pitanja Kantona Sarajevo da u skladu sa zakonskim ovlaštenjima i svim drugim mogućnostima, u okviru sredstava predviđenih u Budžetu Kantona Sarajevo za finansiranje pravne pomoći u korist branilaca Bosne i Hercegovine, pruži sve vrste pomoći osumnjičenim i optuženim bivšim pripadnicima Armije BiH (Oružanih snaga RBiH) u predmetima ratnih zločina do pravosnažnosti presude, kao i članovima njihovih porodica i člana 6. stav 3. Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo („Službene novine Kantona Sarajevo“, broj 33/11, 3/12-Ispravka, 37/13 i 16/14), ministar za boračka pitanja Kantona Sarajevo **raspisuje**

JAVNI POZIV

za finansiranje/sufinansiranje projekata pružanja pravne i druge pomoći u korist osumnjičenih i optuženih bivših pripadnika Oružanih snaga RBiH u predmetima ratnih zločina do pravosnažnosti presude, za 2018. godinu

I Predmet javnog poziva je pozivanje fondacija koje su registrovane za pružanje pravne i druge pomoći u korist branilaca Bosne i Hercegovine, osumnjičenim i optuženim bivšim pripadnicima Oružanih snaga RBiH u predmetima ratnih zločina do pravosnažnosti presude, kao i članovima njihovih porodica, da apliciraju sa projektima koji se odnose na pružanje pravne, finansijske i druge pomoći u korist navedenih lica, za 2018. godinu.

II Pravo učešća po ovom Javnom pozivu imaju fondacije koje su registrovane za pružanje pravne i druge pomoći osumnjičenim i optuženim bivšim pripadnicima Oružanih snaga RBiH u predmetima ratnih zločina do pravosnažnosti presude kao i članovima njihovih porodica.

III Pravo učešća po ovom Javnom pozivu nemaju fondacije koje nisu dostavile narativni i finansijski izvještaj o utrošku sredstava sa odgovarajućom dokumentacijom za programe i projekte realizovane u prethodnom periodu, odnosno nisu dostavile pravdanja za sredstva dobivena iz Budžeta Kantona Sarajevo, sa razdjela Ministarstva za boračka pitanja, a po osnovu namjene koja je predmet ovog Javnog poziva.

IV Kriteriji za prihvatanje i finansiranje/sufinansiranje projekata pružanja pravne i druge pomoći u korist osumnjičenih i optuženih bivših pripadnika Oružanih snaga RBiH u predmetima ratnih zločina do pravosnažnosti presude kao i članovima njihovih porodica, su:

• **Opći kriteriji:**

1. Registracija fondacije na bilo kojem nivou vlasti u Bosni i Hercegovini;
2. Fondacija treba biti registrovana za djelatnosti koje se odnose na pružanje pravne, finansijske i materijalne pomoći licima iz tačke I ovog Javnog poziva, odnosno djelatnosti koje se mogu dovesti u vezu sa odbranom optuženika i obezbjeđenjem preduslova za efikasniju odbranu bivših pripadnika Oružanih snaga RBiH u predmetima ratnih zločina;
3. Program rada za 2018. godinu sa obrazloženjem;
4. Finansijski plan za 2018. godinu;
5. Izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu);
6. Broj lica koja učestvuju u realizaciji projekata.

• **Posebni kriterij:**

Vrednovanje značaja i kvaliteta ponudjenog projekta.

V Pregled dokumentacije koja se treba dostaviti u aplikaciji:

1. Popunjen obrazac aplikacije za finansiranje/sufinansiranje projekta, koji sadrži: naziv projekta, opis problema/potreba, kratak opis projekta, ciljeve, ciljne grupe, plan realizacije projekta, trajanje projekta, osoblje koje će učestvovati u realizaciji i budžet projekta;
2. Rješenje o registraciji;
3. Uvjerenje iz registra fondacija izdato u roku određenom za podnošenje aplikacija;
4. Uvjerenje o poreskoj registraciji – identifikacioni broj;

5. Uvjerenje o izmirenim poreskim obavezama;
6. Uvjerenje o izmirenim porezima i doprinosima za zaposlenike (ukoliko ima zaposlenika). Ukoliko fondacija nema uposlenih lica treba dostaviti izjavu da nema uposlenih lica, koja je ovjerena kod nadležnog općinskog organa;
7. Bilans stanja i bilans uspjeha za prethodnu kalendarsku godinu, ovjereni od strane nadležne ustanove, sa narativnim izvještajem;
8. Program rada i finansijski plan za 2018. godinu.

VI Projekte treba obrazložiti u skladu sa podacima sadržanim u Obrascu za prijavu projekata za finansiranje/sufinansiranje iz Budžeta Kantona Sarajevo (OBR.7.3-02-01/01), koji se može naći na info punktu u pisarnici Kantona Sarajevo i na web stranici Ministarstva za boračka pitanja.

VII Visinu sredstava za namjenu po ovom Javnom pozivu utvrđuje Ministarstvo za boračka pitanja na osnovu usvojenog Budžeta Kantona Sarajevo za 2018. godinu.

VIII Proceduru odobravanja sredstava po ovom Javnom pozivu provodi Komisija koju imenuje ministar za boračka pitanja. Uzimajući u obzir opravdanost zahtjeva i kvalitet ponuđenog projekta, kao i ostale navedene kriterije, te mogućnosti finansiranja/sufinansiranja u odnosu na odobrena budžetska sredstva za ove namjene, Komisija će sačiniti prijedlog za prihvatanje projekata finansiranje/sufinansiranje u 2018. godini.

IX Način realizacije i izvještaji o utrošku odobrenih sredstava:

- Sredstva odobrena po osnovu ovog Javnog poziva se moraju iskoristiti namjenski za realizaciju odabranog projekta, pri čemu se nosilac projekta kao korisnik sredstava mora pridržavati važećih zakonskih propisa.
- Obim podrške i način realizacije sredstava za odobrene projekte bit će preciziran odlukama ministra o odobravanju sredstava za finansiranje/sufinansiranje projekata i sporazumima koje će Ministarstvo za boračka pitanja zaključiti sa fondacijama čiji projekti budu odobreni.
- Fondacija kojoj budu odobrena sredstva za finansiranje/sufinansiranje projekata biće obavezna dostaviti izvještaj o namjenskom utrošku sredstava sa odgovarajućom dokumentacijom, u roku od 15 dana od dana okončanja projekta. Ministarstvo za boračka pitanja može tražiti i podnošenje izvještaja tokom realizacije odobrenih projekata.

X Rok za podnošenje aplikacija po ovom Javnom pozivu je od **12.02.2018. do 26.02.2018. godine.**

XI Mjesto i način podnošenja aplikacija: Aplikacije sa potrebnom dokumentacijom dostavljaju se na adresu: Ministarstvo za boračka pitanja Kantona Sarajevo, ulica Reisa Dž. Čauševića br. 1, 71000 Sarajevo, putem pisarnice Kantona Sarajevo.

Aplikacije sa potrebnom dokumentacijom trebaju biti dostavljene u zatvorenim kovertama sa naznakom: „Aplikacija po Javnom pozivu za finansiranje/sufinansiranje projekata pružanja pravne i druge pomoći u korist osumnjičenih i optuženih bivših pripadnika Oružanih snaga RBiH u predmetima ratnih zločina do pravosnažnosti presude, za 2018. godinu“.

Dodatne informacije se mogu dobiti na telefon 033/ 562-273 ili 033/562-008.

XII Nepotpune aplikacije neće se uzimati u razmatranje.

Broj: 06-05-4435-1/18
Sarajevo, 09.02.2018. godine



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012, Fax: + 387 (0) 33 562-251
Sarajevo, Reisa Džemaludina Čauševića 1

